



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Exercitium Perfectionis, Et Virtutum Christianarum

In tres Partes distinctum

**Rodríguez, Alonso**

**Coloniæ Agrippinæ, 1622**

XVII. In ipsa mysterious consideratione tractim etiam nobis procedendum est, neque illa quidem superficialiter & obiter percurrenda. Aliqua proponuntur media, quæ ad hoc vsui nobis erunt.

**urn:nbn:de:hbz:466:1-40072**

aliam reliquarum virtutum opera prom-  
 pte, facile, & cum voluptate ac iucundi-  
 tate suscipias: atque hinc colligere po-  
 teris, num virtutem iam plane sis affec-  
 tus. Vide inquam, num tam tibi gra-  
 tum sit despici ac contemni, quam iu-  
 cundum à populo magni pendì & hono-  
 rari. Atque hæc est regula, quam nobis  
 B. P. N. assignat, ex Euangelio de prom-  
 pta. Vide num ita tibi arideat ac placeat  
 summa in victu, vestitu, & lecto pauper-  
 tas, & quod deteriora quæque quæ do-  
 mi sunt in usum tuum cedant, ac auaro  
 opes, abundantia, & opulentia. Vide de-  
 nique, num ita lætetur mortificatione,  
 ac mundus deliciis, quiete, & volupta-  
 tibus. Si ergo ad talem in vna quaque vir-  
 tute perfectionem perueniendum sit, sa-  
 tis profecto habebimus, in quo nos, non  
 vna solum die, sed & pluribus, & fortasse  
 etiam annis multis exerceamus.

CAPVT XVII.

*In ipsa mysteriorum consideratione  
 tractim etiam nobis procedendum  
 est, neque illa quidem superficialiter  
 & obiter percurrenda. Aliqua  
 proponuntur media, quæ ad  
 hoc nobis vsui  
 erunt.*

PER magni quoque refert, in ipsa my-  
 steriorum diuinorum consideratione,  
 diucius in vna eademque re permanere,  
 nec obiter præcipitanterque per eadem  
 currere. Plus namque utilitatis nobis  
 afferet mysterium vnum bene & pro-  
 ut oportet consideratum & expensum,  
 quam multa superficialiter ac leui manu  
 inspecta. Hac de causa in exercitiorum li-  
 bro tanti B. P. N. ipsas Repetitiones facit,  
 vt post singula exercitia statim, vnam at-  
 que alteram eius repetitionem fieri iu-  
 beat, quod enim prima vice non inueni-  
 tur, fortasse inuenietur perseverando: quia

qui querit inuenit, & pulsanti aperietur. *Matth. 7. 8.*  
 Moses semel petram virga feriens, aquam *Num. 20. 12.*  
 non elicit, sed iterato aqua manare  
 incepit. Cæcum illum, de quo in Euange- *Sensim dat  
 sic dona  
 Deum.*  
 lio, simul & semel Dominus visu non do-  
 nauit, sed paulatim, & per vices. Primo  
 namque saliuam oculis eius applicuit,  
 rogans num quid videret: respondit ille,  
 se quidem in confuso & rudi modo ali-  
 quid videre, sed quid sit, interstinguere  
 non posse; *Video homines, inquit, velut ar-  
 bores ambulantes.* Tum Dominus denuo *Marc. 2. 24.*  
 manus oculis admouens, eum ita persua-  
 nauit, vt & clare videret, & visa ab inui-  
 cem distingueret. Sic & in oratione vsu  
 venit, vt dum semel atque iterum ad rem  
 eandem redimus, & in ea perseveramus,  
 ipsa melius & amplius innotescat.

Perinde ac dum quis obscurum aliquem  
 locum ingreditur, initio quidem nihil  
 profusus videri; at, si aliquantulum in eo  
 maneat aliquid videre incipit. Particula- *Meditationis  
 sine pratico  
 resolutione.*  
 riter autem semper in ipsa rerum quas  
 meditamur consideratione tam diu nos  
 detineamus oportet, donec plane illu-  
 stemur, veritatem penitus perspiciamus,  
 & ab ea conuincamur, & id quod facere  
 oportet, resolute proponamus. Hic  
 namq; inter fructus ex oratione elicien-  
 dos facile primus est; & in eo bene nos  
 fundari oportet, vt ante dicere memini.

Veniamus iam ad media quæ nobis ad *Cap. 9.*  
 mysteria sic meditanda & ponderanda  
 vsui auxilioque esse poterunt. Quando  
 diuinam suam lucem Dominus emittit,  
 animeque oculos illustrat, tam multa ei  
 consideranda, & in quibus se detineat,  
 occurrunt, vt cum Propheta dicere que-  
 at: *Reuela oculos meos, & considerabo my-  
 steria & mirabilia de lege tua. Labor ei  
 & 162.*  
*go super eloquia tua, sicut qui inuenit post  
 victoriam spolia multa.* Qui secundus  
 locus declarat & explicat primum. Sic  
 Beatus Franciscus & Augustinus dies no-  
 ctesque integras breuium illarum sen-  
 tentiarum, *Nouerim te, nouerim me, &c. Deu  
 meus & omnia,* considerationi impende-  
 bant. Quæ orandi ratio non absimilis est illi,  
 quæ beatos illos cæli ciues in cælo vsurpare

Uta. 6. 3.

ait Isaias, qui in diuina illius Maieſtatis contemplatione ſuſpenſi, inceſſanter ac perpetuo canunt, & identidem repetunt, *Sanctus, ſanctus, ſanctus*. Idem & Ioannes in Apocalyſi facere ait prodigioſa illa animalia, ante thronum Dei ſtantia, *Et requiem*, inquit, *non habebant die ac nocte, dicentia, Sanctus, ſanctus, ſanctus, Dominus Deus omnipotens, qui erat, & qui eſt, & qui venturus eſt.*

Apoc. 4. 8.

Verum vt eo perueniamus. faciamus oportet quod à parte noſtra faciendum eſt; aſſueſcamus ſcilicet diu mysteriorum ipſorum conſiderationi inſiſtere, ſingularia quæ in iis occurrunt bene expendendo, & minutim enucleando; & multo tempore hac in re nos exerceamus.

2. p. Alfab. 76. litt. D. &amp; Alfab. 77. litt. Z.

Vnde etiam Gerſon, vnum de præcipuis, quæ ad orationem bene faciendam, adhibere poſſumus mediis, quodque nobis huc valde conferet. Continuum eſſe ait eiſdem exercitium. Non eſt id autem huiusmodi, vt verbis & argumentis doceatur, vt multis auditis concionibus ac diſcurſibus, aut varios de orandi modo conſcriptos tractatus legendo addiſcatur, ſed manu operi admouenda, & in eo nos exercendo. Quando ſuum mater aliqua filiolum docere vult incedere, horam integram non impendit dandis præceptis, quæ ei in incedendo obſeruanda ſunt; dicendo, vt modo ſic, modo aliter pedes figat; ſed ipſum potius in eundo exercet, & reiſa facit incedere: atque hoc demum pacto puer incedere diſcit & aſſueſcit. Hæc itaq; vnica ſcientiæ huius addiſcendæ eſt ratio.

Oratio non præceptis, ſed exercitatione diſcitur.

Et licet verum ſit, ad donum orationis, ac aliud quodecunque ſupernaturale impetrandum, nullum exercitium per ſe ſufficere; ſed à liberali & gratuita Domini manu ipſum deſcendere debere: quia Dominus dat ſapientiam, & ex ore eius prudentia & ſcientia, nihilominus diuina eius maieſtas exigit, vt in eo ipſi tali modo nos exerceamus, tanquam ſi hac ſolum via & medio ipſum impetrare deberemus. quia diſponit omnia ſuauiſſer; hinc opera gratiæ diſponit confor-

Prou. 2. 6.

Deus exigit cooperationem creaturæ.

miter, & ad modum naturalium & ſicut reliquæ ſcientiæ atque artes exercitio acquiruntur, ſic etiam hanc exercitio nos cupit edocere. Atque vt cytharam continenter pulſando quis fit cytharedus, aſſidue incedendo puer incedere diſcit; ita ſemper orando, perfecte orandi habitum ſibi homo comparat. Atque hanc eſſe rationem ait Gerſon, cur hodie tam pauci contemplatiui inueniantur, quod ſcilicet hoc exercitium hodie in vſu non ſit. In priſcis illis Monafteriis tam multos inuenire viros erat, orationis & contemplationis ſtudio inſignes: hodie vero vix vnum reperias, qui donum habeat orationis.

Si autem de contemplatione apud eos ſermo ſit, non minus attoniti ſtupent, quam ſi quem peregrina & barbara loquentem lingua, aut metaphyſicas aliquas quæſtiones tractantem audirent, quæ non intelligunt. Rei huius cauſa eſt, inquit, quod olim ſancti illi Monachi aſſidue ſe in oratione exercebant; & quos de nouo admittebant tyrones, ſtatim huic exercitio applicarent, & vt ipſum ſibi familiare redderent, omnimodis alaborarent: ſicut tum in S. Pachomij, tum in aliorum ſanctorum Monachorum Regula legere eſt. Vnde Monafteriis omnibus veluti maximi momenti rem Gerſon ſuadet, vt ſpirituales aliquos, doctos, & in oratione exercitos viros habere procurent, qui nouitiis Religionem primùm inueniendis iam inde ab initio orandi methodum tradant, & quo ſe in oratione modo exercere debeant, præſcribant.

Beatus vero Pater noſter adeo monitum hoc cordi habuit, & in ſuis conſtitutionibus paſſim inculcauit, vt non modo in principio in Domibus probationis, aliquem eſſe iubear, qui Nouitios hunc orandi modum doceat, ſed in ſingulis etiam Collegiis ac Domibus Societatis quendam rerum ſpiritualium Præfectum designari, qui videat quomodo vnusquisque in orationis exercitio ſtudioque ſe habeat ac proficiat: quod per.

permagni rem illam ponderis esse intelligeret.

*Amor Dei  
velit orationem  
non facilem.*

Est & aliud, quod ad continuationem huius exercitij, & ad in eo perseverandum ac permanendum non mediocriter adiuuabit, magnopere scilicet erga Deum & spiritualia affici. Sic de se testabatur

*Psalm. 97.*

*Psalmistæ, dum diceret, Quomodo dilexi legem tuam Domine? Toto die & nocte meditatio mea est: in ea inquam meditanda omnis mea voluptas sita & gaudium. Et meditabar in mandatis tuis quæ dilexi.*

*Psalm. 47.*

Si porro & nos Deum ex toto corde diligere, libenter noctu & interdiu de eo meditaremur, atque ita nunquam nobis meditando materia deesset. Quam porro mater de filio, quem tenere diligit, libenter cogitat; quam etiam parum longe petitis mentis discursibus & considerationibus opus habet, ut eiusdem recordatione se oblectet? statim namque ac de illo loquitur, omnia illius intorsum viscera commouentur, & sine vltioribus discursibus ac considerationibus lachrymæ illi ex oculis prorumpunt. Hinc si apud viduam de coniuge eius defuncto, quem maxime amabat, age reincipias, statim eam illacrymantem & suspirantem videbis. Si itaque tantum potest amor naturalis, (quid dico amor naturalis? imo si etiam lasciuus & uenerius amor ita sepe amantem, ut videmus, absorbere solet, ut is non nisi de re amata cogitare posse videatur) quanto magis ipse supernaturalis erga infinitam illam Dei bonitatem & pulchritudinem amor id facere poterit. Longe namque potentior est gratia, quam aut natura, aut culpa. Si Deus vnicus & omnis thesaurus noster foret, statim versus illum totum animi nostri desiderium & cor raperetur: *ubi enim est thesaurus tuus, ibi est & cor tuum.* Libenter id quisque animo voluit & agit, quod amat, & quo delectatur. Hac de causa de forti muliere ait Spiritus sanctus, *Gustauit & vidit. Nec non, Gustate & videte, quoniam suavis est Dominus.* Gustus quippe & delectatio præcedit visum, vilis vero maio-

*Amor meritorum  
ex-  
citatur, & esse  
deum mouet.*

*Mat. 5. 27.*

*Præm. 11. 18.*

*Psalm. 32. 9.*

*Gustus &*

*visus scilicet.*

rem delectationem & amorem intentionem causatur. Hinc etiam S. Thomas, *com. iuuant. 2. 2. q. 180. art. 7. ad 1.* hac de re agens contemplationem amoris esse dicit filiam, quod vnicus fons & origo illius sit amor. Addit insuper, finem illius esse amorem: ex eo enim quod Deum quis amet, ad eum meditandum, cogitandum & contemplandum emouetur; & quo magis perspicit & profundius contemplatur, eo etiam maiori erga ipsum dilectione fertur. Quæ enim ex se bona sunt, si inspiciantur etiam contemplando, nos ad sui amorem inuitant; & quo diutius ea nos & diligentius inspiciamus, hoc etiam ea amamus magis, & maiori ex eorum contemplatione & amore gaudio profundimur.

*Amor contemplationis  
mater & finis.*

CAPVT XVIII.

*Ostenditur clare per praxin, quomodo in nostra sit manu semper bonam orationem instituere, & aliquem ex eadem fructum capere.*

**O**ratio specialissima & extraordinaria, de qua ante locuti sumus, singulari & particulare quoddam Dei donum est, quod ipse indiscriminatim & passim omnibus non elargitur, sed ei duntaxat cui dare voluerit: at ordinariam ac simplicem orationem mentalem, de qua agendum modo, omnino nemini Dominus derogat. Vnde grauerant nonnulli, qui ideo se orationem facere non posse, & eidem habendam ineptos esse credunt, quod sublimem & opulentam illam orationem & contemplationem non sunt assecuti; cum tamen alia illa orandi ratio & bona sit, & imprimis fructuosa, & illius adminiculo ad ipsius perfectionis culmen possumus pertinere, atque adeo ipsa, si sublimem & elatam illam nobis Dominus dare vo-

*Cap. 4. & seqq.*

*Orationis donum Deus nulli denegat.*

Aa 3 Iucit,

